

Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut Inatsisissaattut siunnersuummut tusarniaanermut akissutit tiguneqartut pillugit allakkiaq.

Aallarniut

Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut Inatsisissaattut siunnersuummut atatillugu tusarniaanermut akissutini tiguneqartuni immikkoortut pingaernerit allakkiami matumani naatsumik nassuiaatigineqarput.

Siunnersuutit ataatsimoortillugit tusarniutigineqarlutillu ataatsimoortillugit Inatsisartunit oqaluuserineqassapput.

Tusarniaaffigisat oqaaseqaataanni immikkoortut pingaernerit matuma kinguliani nalinginnaasumik naqinnerit atorlugit issuaavigineqarput aammalu Naalakkersuisut oqaaseqaataat uingasumik allanneqarlutik.

Inatsisissatut siunnersuummut atatillugu tusarniaaffigisat inatsisissatut siunnersuummut nalinginnaasumik nassuiaatini immikkoortoq 8-mi takuneqarsinnaapput.

Tusarniaanermut akissutit nassuiaatigineqarnerat

KNAPK

Nioqutissanik eqqussuinermit akitsuutit atorunnaarsinneqarnissaat kiisalu qamutinit nunaannakkoortunit sisamanik assakaasulinnut akitsuutit annikillisinneqarnissaat ilaasortanut iluaqutaassasoq KNAPK-mit oqaatigineqarpoq. Pingaartumik inuussutissarsiutigalugu umimmanniarnermit qamutinit motorilinnik nunaannakkoortunit taakkulu atortussaannik assigisaannillu atugassaqaarnissaq pingaaruteqartoq KNAPK-mit oqaatigineqarpoq.

KNAPK-mit siunnersuut taama taperserneqarmat Naalakkersuisunit iluarisimaarneqarpoq.

Innuttaasumit Bjørn Bjerregaardimit (BB) tusarniaanermut akissut

Plug-in hybridbilimi inissaqassuseq avatangiisinullu mingutsitsinnginnissaq eqqarsaatigalugu pisariaqartitanut naapertuisumik pigisaqarluni BB-p oqaatigaa. Qamutit motorillit qamutinit motorilinnut mikiernerut oqinnerpaatut akitsuutilinnut taartissatut pisarineqarput, tamatumani

plug-in hybridbiilinu akitsuutip 4.500 kr.-it sinnerlugit annertunerunnginnissaa naatsorsuutigalugu, aningaasallu annertussusiat tamanna akitsuutit allangortinneqarnissaannik siunnersuummi siusinnerusukkut nassiuuneqartumi aammalu 2017-imi tusarniutigineqartumi allassimalluni. Taamaattorli siunnersuut maanna saqqummiuneqartoq malillugu akitsuut ukiumoortumik 17.000 kr.-it sinnerlugit annertussuseqassaaq. Akitsuutillu qaffariaatissaata tamatuma BB-p naliliinera nassatarisaanik biilini tuniartariaqassavaa, tassungalu taarsiullugu qamutinik motoorilinnik benzinaamik dieselimilluunniit ingerlateqartunik pisisariaqassalluni.

Tassunga atatillugu BB-mit apeqquserneqarpoq avatangiisinik eriarinninnissaq eqqarsaatigalugu tamanna tulluartaunersoq, tamatumunngalu peqatigitillugu snescooterinut ATV-nullu, BB-p isumaa malillugu avatangiisinut mingutsitsisunut akitsuutit atorunnaarsinneqarnissaannik siunnersuutigineqarneq ilumut isumatusaarnerunersoq avatangiisinullu mianerinninnerunersoq innersuussutigalugu.

Qamutit motoorillit innaallagissamik brintimillu ingerlatillit akitsuuteqartinnginneqarallanneranni siunertarineqartoq tassaavoq piffissap ineriartortitsiviusup aallartinnerani qamutinik motoorilinnik innaallagissamik brintimillu ingerlatilinnik kiisalu plug-in biilini pisinissami atugassarititat pitsanngorsarneqarnissaat, taamaalillunilu Kalaallit Nunaata CO2-mik aniatitaata tamarmiusup annikillisarneqarnissaa. Biilit Kalaallit Nunaanni atorneqarneruleriartornerat ilutigalugu akitsuut nalinginnaasunnigortikkiartuaarneqartussaassaaq.

Biilinu innaallagissamik brintimillu ingerlatilinnut kiisalu plug-in hybridbiilinu 2019-imit akitsuuteqartitsilernissamik siunnersuuteqarnermi tunngavigineqartoq tassaavoq biilit taamaattut ullumikkut biilinu qangaaniilli atorneqartunut taarsiullugit atorneqalersinnaasutut ullumikkut naatsorsuutigineqareermat.

Taamaakkaluartoq qamutit motoorillit nunap iluaneersunik ingerlatillit salliutinneqarnissaat Naalakkersuisunit kissaatigineqanngilaq, taamaattumillu biilit innaallagissamik brintimillu ingerlatillit eqqunneqarneranni akitsuuteqartitsinnginnerup atuutsiinnarneqarnissaa siunnersuutigineqarpoq, taamaalilluni biilini nunap iluaneersunik ingerlatilinnik atuinerup annikillisaanisaanik kajumissaarinikkut Kalaallit Nunaata CO2-mik aniatitaanik tamarmiusumik annikillisaaniarnermik tunngavissat attatiinnarumallugit.

Snescooterinut ATV-nullu akitsuutip atorunnaarsinneqarnissaanut tunngavigineqartoq tassaavoq taakku qamutinut motoorilinnut nalinginnaasunut sanilliullugu pisutigut amerlasuutigut illoqarfinni mikinerni nunaqarfinnilu atussallugit tulluarnerummata atoruminarnerullutillu. Tamatuma

peqatigisaanik qamutit motorillit taamaattut nalinginnaasunut sanilliullugu mingutsitsinnginnerusutut nalilerneqarput.

Snescooterinut ATV-nullu akitsuut attatiinnarneqartariaqartoq, tamatumunngalu taarsiullugu plug-in hybridbiilinit akitsuut ukiumoortumik 4.500 kr.-inut annikillisinneqartariaqartoq BB-mit oqaatigineqarpoq.

Siunnersuutip kingunerisaanik biilnik avatangiisinut mingutsitsinnginnerusunik tuniniaaneq unissinnaasoq BB-mit oqaatigineqarpoq. Tassunga atatillugu BB-mit oqaatigineqarpoq plug-in hybridbiilit ikummatissamik ingerlateqaralarunilluunniit taama atuinnisaq imminut akilersinnaanavianngitsoq, tassa innaallagiasq benzinamit akikinnerummat.

Plug-in hybridbiilit qamutitut motorillit nalinginnaasutut akitsuuteqartinnissaannik Naalakkersuisut siunnersuuteqarnerannut tunngavigineqartoq tassaavoq biilit taamaattut innaallagissamik ingerlateqarnermik saniatigut allanik ingerlateqarmata, tassungalu ilanngullugu ikummatissamik nunap iluaneersunik nalinginnaasunik atuisinnaammata. Piumasaqaatit qanoq ikkalarpataluunniit biilit sumik ingerlateqarnerisut nakkutilliiviginissaa piuminaappoq. Taamaattumillu biilit taamaattut innaallagissamik pingaarnertut ilumut atuissanersut qulakkeeruminaappoq, taamaattumillu avatangiisinut mingutsitsisinnaanerata annertuumik nalorninartoqarluni. Aammattaaq plug-in hybridbiilit avatangiisinut mingutsitsinnginnissaanni apequtaavoq atuisup qanoq atuitiginera, pingaartumik atuisoq innaallagissamik atuinersoq.

Tamatuma peqatigisaanik plug-in hybridbiilit oqimaatsuupput, assersuutigalugu motorii ikummatissamik atuisoq kisimi atorineqarpat biilit nalinginnaasutut oqimaaqatimittut mingutsitsisinnaallutik. Taamaattumillu akitsuutip annikillisinneqarnissaa naapertuuttutut isigineqarnani.

BB-p naggasiullugu oqaatigaa ataasiakkaanut akitsuutit qaffaaviginagit akitsuutit assigiinngitsunut agguataarneqartariaqartut. Tassunga atatillugu angallatinut akitsuutit atuutinneqalertariaqartut imaluunniit suliffeqarfiit biiliinik "akeqanngitsumik" atuisut isiginiarneruneqartariaqartut BB-mit oqaatigineqarpoq.

Pisiassat avatangiisinut mingutsitsisut immikkut isiginiarlugit nioqqutissat ataasiakkaat kisimik akitsuuteqartinnagit akitsuut amerlanerusunut atuutsilerniarlugu Naalakkersuisut ukiut ingerlanerani sulissutigaat. Taamaattorli akitsuummik atuutsisiniaraanni tamatumani pisariaqarpoq paasisutissanik nakkutilliiviginninnissamullu periarfissanik pissarsisinnaanissaaq,

tamannalu maanna nioqqutissat ilaannut atatillugu periarfissaassanani. Tamanna umiatsianik eqqussuinermi ilaatigut atuuppoq.

Isumaginninnermut Inatsisinillu Atuutsitsinnermut Naalackersuisoqarfik

Pissassarfik (nuna tamakkerlugu innarluutilinnik sullissivik) suliffeqarfiup biilnik inunnik annertuumik innarluutilinnik mittarfiup sullissiviullu akornanni (unnisarfilinni) assartuinnermut kiisalu inunnik annertuumik innarluutilinnik Pissassarfimmi sungiusariartunik assartuinermi biilnut allanut atukkaminnut akitsuuteqartinneqannginnissaat kissaatiginartoq Isumaginninnermut Inatsisinillu Atuutsitsinnermut Naalackersuisoqarfimmit (IIAN) oqaatigineqarpoq.

Qamutit motoorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaanni nr. 18, 30. oktober 1992-imeersumi § 19 kiisalu § 1, imm. 3 naapertorlugu qamutit motoorillit innarluutilinnut naatsorsuussaappata taakku eqqunneqarnerannut qamutinullu motoorilinnut tamakkiisumik ilaannakortumilluunniit akitsuuteqartinnginnissaat pisuni immikkut ittuni Naalackersuisunit akuerineqarsinnaavoq. Akitsuuteqartitsinnginneq immikkut naliliinikkut atuutsinneqarsinnaavoq.

Immikkut iliuitsit inatsimmi nalunaarsukkanut ilanngunneqarnissaat Naalackersuisut kissaatiginngilaat. Akitsuuteqartitsinnginnissaq siumut qinnuteqarnikkut naliliinikkullu aammalu pisunut allanut atugassarititaasut malillugit pisinnaavoq.

Innuttaasumit tusarniaanermut akissut, Carl Sværd (CS)

Microbiilit biilnut anginernut sanilliullugu atussallugit isumannarnerujussuusoq uppersaatissaqartoq aammalu biilit taamaattut pingaartumik ukiukkut angallatigiuminaatsorujussuusut CS-imit oqaatigineqarpoq.

Tassunga atatillugu CS-imit oqaatigineqarpoq nammeneq misilittakkani malillugit microbiilit 'Kia Picanto'-mik nalunaaqutillit biilitut anginertulli ikummatissamik atuisartut, taamaalillutillu avatangiisinut mingutsitsinerat assigittoq.

Biilit mikinerit angallatiginissaannik isumannaatsuunissaq aallunneqarnerujartortoq Naalackersuisut naliliipput. Biilnut mikinernut akitsuutit annikillisinnerisigut innuttaasoq biilnik isumannaallisaanermut atortulinnik pisinissamut aamma akissaqarnerulissaaq. Tamatuma saniatigut microbiilit biilnut allanut sanilliullugit isumannarnerunerat uppersasisinniarlugu nunatsinni misissuisoqarsimanera Naalackersuisunit ilisimaneqanngilaq.

CS-imit oqaatigineqarpoq plug-in hybridbiilit ikummatissaannarmik atuissappata tamanna aningaasaqarnikkut immi akilersinnaanngitsoq. Tassunga atatillugu CS-imit oqaatigineqarpoq plug-in hybridbiilit 70-90 procentii bateerini immiisarfinnut attaveqartassasut.

Aammattaaq CS-imit oqaatigineqarpoq, plug-in hybridbiilit oqimaassusiannut 1/1-imit akitsuuteqartitsisoqalissappat aammalu eqqunneqarneranni akitsuuteqartitsisoqalissappat biilini innaallagissamik ingerlatilinnik/hybridbiilini piginninnissaq avatangiisinut aningaasaqarnikkulluunniit iluaquteqarnavianngitsoq. Taamaattoqassappat biilini taamaattunik eqqussuineq annikilleriaateqarujussuassaaq. Annikilleriaat 92 procentit missaannik annertussuseqassasooq CS-imit ilimagineqarpoq, tamatumani innersuussutigaa Danmarkimi misilittakkat takutikkaat biilini innaallagissamik ingerlatsilinnik/hybridbiilini tunisat ullormut 12-imit maanna ataasiinnarmut ikileriaateqarnerat.

Plug-in hybridbiilini akitsuuteqartitsilernissamik siunnersuuteqarnermik avatangiisinut iluaqutaasussat pillugit BB-mut oqaaseqaat innersuussutigineqarpoq.

Siunnersuut avatangiisinut, pinngortitamut innuttaasulluunniit peqqissusiannut kinguneqassanngitsoq siunnersuummi oqaatigineqartoq innersuussutigalugu tamanna paasisat malillugit eqqunngitsoq CS-imit oqaatigineqarpoq. Biilini innaallagissamik ingerlateqartunut aammalu plug-in hybridbiilini akitsuuteqartitsisoqalissappat biilini innaallagissamik ingerlateqartunik/hybridbiilini piginninnissaq immikkut akilersinnaajunnaassasooq, taamaattumillu taamaattunik pigisallit biilit tunillugit biilini benzinamik dieselimilluunniit ingerlateqartunik pisinissaat naatsorsuutigineqarsinnaasooq CS-imit oqaatigineqarpoq.

Biilini innaallagissamik ingerlatilinnik aammalu plug-in hybridbiilini tuniniaanerup qanoq ingerlalnissaa siunnersuummi nalileruminaappooq. Taamaattumillu tamatumani ineriartornera Naalakkersuisunit sukumiisumik malinnaaffigineqassaaq aammalu siunnersuummi siunertarineqartut allaanerujussuarmik nassataqassappata akitsuutit allanngortinneqarnissaat isumaliutigissallugu.

Aammattaaq The Guardian aamma Politiken malillugit nunani allani, tassungalu ilanngullugu England, Tyskland aamma Frankrigimi biilini innaallagissamik ingerlateqartunut hybridbiilini akitsuutit ineriartornerat CS-imit nassuiaatigineqarpoq.

Englandimut atatillugu oqaatigineqarpoq biilit dieselimik benzinamillu ingerlatillit inertequtaalernissaat sulissutigineqartoq, tamatumunngalu taarsiullugu attaveqaatinut bateerini immiisarfinnut kiisalu plug-in hybridbiilini 100 mio. pundini aningaasaliisoqassasooq.

Tysklandimut atatillugu oqaatigineqarpoq Englandimisulli biilnik dieselimik benzinamillu ingerlatillit atorunnaarsinneqarnissaat sulissutigineqartoq, tamatumunngalu taarsiullugu biilnik innaallagissamik ingerlatilinnut hybridbiilnnullu tapiissuteqartoqartarpoq taamaattunillu piginnittunut aningaasartuuteqartitsisoqarnani. Kiisalu oqaatigineqarpoq Frankrigimi aamma 2040-mit biilit benzinamik dieselimillu ingerlatillit inerteqqutigittinniarneqalersaartut. Ukiumi tassani taamaallaat biilit innaallagissamik nukissiuutinilluunniit ingerlateqartunik tuniniaasoqarsinnaalissaaq. Hybridbiilit atorneqarsinnaanerit ingerlaannassaaq.

Kalaallit Nunaanni biilnik innaallagissamik ingerlatilinnik/hybridbiilnik atuinerup ineriartortinneqarnissaa pinnagu innuttaasut biilnik benzinamik dielseimillu ingerlatilinnik atuinissamik kajumissaarneqarnissaat siunnersuutigineqarmat Politiken aamma The Guardianimi atuagassiat siunnersuutikkut paatsoorneqartut CS isumaqarpoq.

Innuttaasut biilnik benzinamik dieselimilluunniit ingerlatilinnik nalinginnaasunik pisinissamut kajumissaarneqarnissaat siunnersuummi siunertarineqanngilaq, taamaattorli biilnik sapinngisamik CO2-mik aniatitsinngitsunik pisinissamut kajumissaarniarneqarlutik. Tassunga atatillugu plug-in hybridbiilit qanoq aniatitsitigisinnaanerit ilisimaneqanngilaq, tassa biilit taamaattut ikummatissamik qanoq atuitiginissaat apeqqutaammat.

Pinngortitamut Avatangiisinullu Naalakkersuisoqarfik

Biilnut innaallagissamik brintimilluunniit taamaallaat ingerlatilinnut akitsuutit atuutsinniarneqarnerat naapertuutinningsoq Pinngortitamut Avatangiisinullu Naalakkersuisoqarfik isumaqarpoq. Qamutiniq motoorilinnik avatangiisinut mingutsitsinnginnerusunik taamaattunik atuinissamut innuttaasut suli kajumissarneqarnissaat pisariaqartoq Naalakkersuisoqarfik nalilivoq.

Taamaattumillu biilit innaallagissamik brintimillu ingerlatillit akitsuuteqartinneqannginnissaat aammalu eqqunneqarneranni akitsuuteqartinneqannginnissaat imaluunniit biilnut innaallagissamik brintimilluunniit ingerlatillit biilnit benzinamik ingerlatilinnit nalinginnaasunit appasinnerusumik akitsuuteqartinneqannginnissaat Naalakkersuisoqarfimmit siunnersuutigineqarpoq, taamaalilluni avatangiisinut mingutsitsinnginnerusunik atuisoqarnissap qulakkeerneqarnissaa ingerlatiinnaqqullugu.

Biilnut innaallagissamik brintimillu ingerlateqartunut akitsuuteqartitsilernissaaq maanna akitsuuteqartitsinngikkallarnermut atuuttumut atatillugu Kalaallit Nunaanni biilit atugaanerujartuinnarneranni akitsuutit nalinginnaasunngortinniarnarannik sulissuteqarnermut ilaavoq.

Biilinit innaallagissamik brintimillu ingerlatilinnut akitsuuteqartitsilernerup kingorna biilnik avatangiisinut mingutsitsinnginnerusunik pisinissamut sulikajumissuseqartoqassasoq Naalakkersuisut naliliipput.

Igitsinermut akitsuuteqartitsisoqalernissaa pitsaasusooq Naalakkersuisoqarfik isumaqarpoq. Aaqjissuussineq innuttaasut biilnik pisoqalisunik igitsinissamut kajumissuseqalersissagaat, taamaalillunilu avatangiisinut malunnaatilmik takuneqarsinnaasumillu pitsanngoriaateqartitsissasoq Naalakkersuisoqarfik isumaqarpoq.

Taamaakkaluartoq igitsinissamut akitsuutip siunnersuummi allanngorartuutinniarneqarnera naapertuutinnitsoq Naalakkersuisoqarfik isumaqarpoq, taamaaliornikkut biilinit avatangiisinut mingutsitsinnginnerusunut sanilliullugu biilnik innaallagissamik brintimillu ingerlatillit iginneqarnissaannut akiliut annertunerussammat. Tamatuma peqatigisaanik akiliutit assigiinngiaarpata tamanna aaqjissuussinermik aqutsiniarnermut artukkersuutaassasoq aammalu avatangiisinut mingutsitsinnginnissamik eqqumaffigisassanut iluaqutaassanngitsoq Naalakkersuisoqarfimmit oqaatigineqarpoq.

Aaqjissuussineq aqukkuminaqqullugu biilit qanoq ittuugaluartulluunniit iginneqarnissaanni akiliutit ajunngitsorsiassallu assigiinneqassasut Naalakkersuisoqarfimmit siunnersuutigineqarpoq.

Pisortanut akiliutinit matussuserneqassapput igitsinerni ataasiakkaani agguaqatigiissillugu aningaasartuutiviit. Aningaasartuutit annertussusilerneqarnerat biilit pineqartut avatangiisinut ajoqutaanngitsumik iginneqarneranni aningaasartuutinut naapertuutissapput.

Igitsinermi ajunngitsorsiassat Naalakkersuisut biilit suussusii malillugit assigiiaartinneqarnissaannut tunngavissaqanngitsoq Naalakkersuisut isumaqarput.

Igitsinermut aaqjissuussinerup aqunneqarneranut atatillugu allaffissornikkut aningaasartuutit matussuserneqarnissaannut igitsinermut akiliutip aamma atorneqarsinnaanissaa siunnersuummi erseqqissaatigineqassasoq Naalakkersuisoqarfimmit oqaatigineqarpoq.

Siunnersuutigineqartoq ilanngunneqarpoq.

Igitsinermut akiliut biilinit innaallagissamik brintimilluunniit ingerlatilinnut kiisalu plug-in hybridbiilinit atatillugu affaannaatinneqassasoq nassuiaatini qupperneq 3-mi oqaatigineqarpoq.

Tamanna inatsisip oqaasertanut naapertuutinngitsoq aammalu kukkunerusimassasoq Naalakkersuisoqarfimmit oqaatigineqarpoq.

Oqaaseqatigiit inatsimmi oqaasertanut naapertuuttunngorlugit siunnersuut iluarsineqarpoq.

Siunnersuummut nassuiaatinut innersuussilluni Naalakkersuisoqarfimmit oqaatigineqarpoq tassani ilaatigut allassimasoq biilnik piginnittut igitsinissamut Nunatta karsianut akiliuteqaqquneqassasut. Akerlianik Nunatta Karsiata, assersuutigalugu Avatangiisinut Aningaasaateqarfik aqutugalugu kommunit biilnik igitsinermut aningaasartuutaat aammalu igitsinissamut ajunngitsorsianut kommunit aningaasartuutaat utertissavai. Aammattaaq oqaatigineqarpoq isertitat Avatangiisinut Aningaasaateqarfimmut nuunneqartassasoq, tamanna Naalakkersuisoqarfimmit ima paasineqassanersoq nalornissutigineqarpoq Avatangiisinut Aningaasaateqarfik igitsinermut akiliummit immikkut isertitaqartarnissamik qulakkeerivigineqassanngitsoq, tamatumunngali taarsiullugu aningaasanut inatsimmi aningaasartuutitut aningaasaliissutinik piumasaqarfiussanersoq? Taamaassimappat oqaasertat allanngortinneqassasut Naalakkersuisoqarfimmit kaammattuutigineqarpoq.

Oqaaseqaatit allannguinissamut tunngavissiinnngillat.

Siunnersuummi nassuiaatini innersuussutigineqartuni avatangiisinut aningaasaateqarfik pilersinneqassanersoq pilersinneqassannginnersorluunniit imaluunniit igitsinermut akiliutinut aningaasat avatangiisinut aningaasaateqarfimmik pilersitsisoqassappat tassunga nuunneqartassanersut aningaasanut inatsimmi isummerfigineqanngilaq. Tamanna Avatangiisinut Aningaasaateqarfik aningaasanut inatsimmi pilersinneqarpat isummerfigineqassaaq.

Inuussutissarsiornermut Nukissiuuteqarnermullu Naalakkersuisoqarfik

Siunnersuut Naalakkersuisut nukissiornermut imermillu pilersuinermit immikkoortumut pilersaarutaannut akerliusoq Inuussutissarsiornermut Nukissiuuteqarnermullu Naalakkersuisoqarfimmit oqaatigineqarpoq, tassani ilaatigut mingutsitsinngitsunik nukissiuuteqarnissaq aammalu biilnik innaallagissamik ingerlatilinnik atuilernissamut tapersersuinissamik suliniuteqarnissaq pineqarluni.

Biilnik innaallagissamik ingerlatilinnik atuinerup annertusarneqarnerani avatangiisinik mingutsitsinnginnissaq aningaasaqarnikkullu iluanaaruteqarnissaq anguneqarluarsinnaasut Naalakkersuisoqarfimmit oqaatigineqarpoq, tassa benzinaamik dieselimillu atuneq appassamat aammalu tamatuma nassatarisaanik uuliamik tunisassanik nunatsinnut eqqussuinissamut pisariaqartitsineq appariaateqassamat.

Biilinit innaallagissamik brintimillu ingerlateqartunut akitsuuteqartitsilernikkut biilini avatangiisinut mingutsitsinngitsunik pisinissamut kajumissuseqarneq ingerlaannassasoq Naalakkersuisut naliliipput.

Taamaakkaluartoq nunatsinni biilini innaallagissamik ingerlateqartunik tunisaqartarnerup ineriartornera Naalakkersuisunit malinnaavigeqqissaarneqassaaq aammalu siunnersuummi malillugu naatsorsuutigineqartut annertuumik allannguuteqassappata akitsuutit allanngortinneqarnissaat isumaliutigissallugu.

Kommuneqarfik Sermersooq (KS)

Biilit kommunini tigooraavinnut tunniunneqartillugit kommunip igitsinermut aningaasartuutaanik matussusiisussamik igitsinermut kiisalu biilit iginneqarneranni ajunngitsorsiassanik aaqqissuussinermik atuutsitsilernissaq KS-imit iluarisimaarneqarpoq. Biilit atorunnaakkat kommunimi tigooraavimmi avatangiisinut isumannaatsumik tunniunneqartarnissaannut kajumissuseqartitsilernissamut tamanna qulakkeerissasoq KS isumaqarpoq.

Igitsinermut aaqqissuussinermik atuutsitsilernissaq pillugu siunnersuut kommunimit taparserneqarmat Naalakkersuisunit iluarisimaarneqarpoq.

Biilinit innaallagissamik brintimillu ingerlateqartunut aammalu plug-in hybridbiilinit annertuumik akitsuuteqartitsinissamik siunnersuuteqartoqarnera KS-imit ernumanartoqartinneqarpoq. Biilit innaallagissamik ingerlateqartut siunissami inuinnarnit pisortallu angallassinerni atorneqalernerussasut kommunimit ilimagilluarneqarpoq, taamaattorli tamatuma tungaatigut teknologii suli nutaajuvoq aammalu akitsuuserneqaruni imminut suli akilersinnaassanani. KS-ip isumaa malillugu akitsuusiisoqarpat nunatsinni mingutsitsinnginnerusunik nutaanik atuinerusoqalernissaa akimmisaartinneqassasoq. KS-ip oqarnera malillugu Danmarkimi misilittakkat takutippaat biilini innaallagissamik ingerlateqartunik tuniniaaneq unittoortartoq siusippallaakkut annertuallaamillu akitsuusiisoqaraangat.

Biilinit innaallagissamik brintimillu ingerlateqartunut kiisalu plug-in hybridbiilinit akitsuuteqartitsilernissamik siunnersuuteqarnermik avatangiisinut iluaqutaasussat pillugit BB-mut oqaaseqaat innersuussutigineqarpoq.

Aammattaaq biilinit innaallagissamik brintimillu ingerlateqartunut akitsuuteqartitsilernerup kingorna biilini avatangiisinut mingutsitsinnginnerusunik suli piserussuseqartoqassasoq Naalakkersuisut naliliipput.

Taamaakkaluartoq nunatsinni biilnik innaallagissamik ingerlateqartunik tunisaqartarnerup ineriartornera Naalakkersuisunit malinnaavigeqqissaarneqassaaq aammalu siunnersuummi malillugu naatsorsuutigineqartut annertuumik allannguuteqassappata akitsuutit allanngortinneqarnissaat isumaliutigissallugu.

Naalakkersuisut silap pissusia pillugu periusissiaat eqqarsaatigalugu Nuuk nunarsuarimi illoqarfiit pingaarnersanit CO₂-mik aniatitsiffiunngitsutut siullertut anguniarneqartoq KS-imit oqaatigineqarpoq. Taama anguniagaqarnermi biilit avatangiisinut mingutsitsinngitsut pingaaruteqarluinnarpoq, KS-imit nalilerneqarmat Nuummi inuit nunakktut angallataat siunissami qaninnermi CO₂-mik aniatitsisuujunnaarnissaat periarfissaqarmat. Inatsisissatut siunnersuutip nassatarisaanik avatangiisit eqqarsaatigalugit biilit avatangiisinut mingutsitsinnginnerusut atuutsinneqalersinniarnarat kingusinaartinneqarujussuassasoq KS-imit oqaatigineqarpoq. Taamaattumillu kommunip avatangiisitigut silallu pissusaa eqqarsaatigalugu anguniagai siunnersuummut akerliupput aammalu tassaalluni nunatsinni erngup nukinganik innaallagissiornikkut uuliamik eqqussuinerup annikillisarneqarnissaa pillugu naalakkersuisuusimasut siunniussaat Naalakkersuisunit puigorneqarsorinartoq KS inerniliivoq.

Pinnngortitamik mingutsitsinngitsunik atuilernissaq kiisalu biilnik innaallagissamik ingerlateqartunik atuinerup ikorfartorneqarnissaa pillugu Pinnngortitamut Avatangiisinullu Naalakkersuisoqarfimmut oqaaseqaat innersuussutigineqarpoq.

Biilnut innaallagissamik ingerlateqartunut aammalu plug-in hybridbiilnut akitsuuteqartitsisoqassappat tamanna biilnik avatangiisinut silallu pissusaanut akornusiinngitsunik allannguniarnermut annertuumik akimmisaartitsissasoq KS-imit oqaatigineqarpoq. Tassunga atatillugu biilit innaallagissamik ingerlatillit aammalu plug-in hybridbiilit bateerinek annertuumik atortoqarnertik pissutigalugu biilnut nalinginnaasunut sanilliullugu oqimaannerunerat KS-imit innersuussutigineqarpoq.

KS isumaqarpoq siunnersuummi biilit benzinaamik ingerlatillit biilnit innaallagissamik biilinillu innaallagissamik immerneqartartunit salliutinneqartut, tamannalu biilnik avatangiisinut mingutsitsinnginnerusunik atuilernerunissamat akerliusoq.

Innuttaasut Naalakkersuisunit kajumissaarutigineqartut toqqartaraat, taamaattumillu amerlasuut akitsuuteqartitsinnginneq aningaasaqarnermikkut malittaraat KS-imit aamma oqaatigineqarpoq. Taakkulu biilii maanna akisunerungaatsialissapput.

Innuttaasut biiliniq benziniq dieselimillu ingerlatilinnik nalinginnaasunik pisinissamut kajumissarneqarnissaat siunnersuummi siunertarineqanngilaq, taamaattorli biiliniq sapinngisamik CO2-mik aniatitsinnginnerpaanik pisinissamut kajumissaarinissaq siunertaalluni. Tassunga atatillugu plug-in hybridbiilit qanoq aniatitsigisarnersut ilisimaneqarluannigilaq, taakku motooriat ikummatissamik atuisoq qanoq annertutigisumik atornerqartarnersoq apeqqutaammat.

Aammattaaq oqaatigineqassaaq nioqqutissat arlallit pisiarineqarneranni akitsuutiniq siumut isigisumik allannguiniarnermi inuit ataasiakkaat namminneq aningaasartuutaasa allannguuteqarnissaat nalinginnaasumik eqqumaffiginiarneqarneq ajormat. Atuisut ataasiakkaat atuinerminnut naleqqussarnissaq namminneq aalajangigassaraat.

KS-imit oqaatigineqarpoq biilit innaallagissamik ingerlatillit atornerqarnerannik siuarsaanikkut avatangiisit silallu pissusaata illersorneqarnissaat Naalakkersuisunit kissaatigineqarpat siunissamut ungasinnerusumik isigisumik iliuuseqarnissaq pisariaqartoq. Tassunga atatillugu KS-imit oqaatigineqarpoq Norgemi akitsuuteqartitsinnginneq atuutsiinnarneqartoq, naak biilik affaanit amerlanerit plug-in hybridbiiliugaluartut imaluunniit innaallagissamik ingerlateqaraluartut.

Biiliniq akitsuutit ukiuni aggersuni iluarsartuunneqarnissaat Naalakkersuisunit naatsorsuutigineqarpoq, taamaalilluni akitsuusiisarnermi avatangiisinik eriaginninnissaq annertunerusumik ilanngullugu eqqarsaatiginiarneqassalluni. Maannamulli biilit, Worldwide harmonizes Light Vehicle Test Proceduremik (WLTP) taagorneqartut aammalu kingusinnerpaamik 2020-p naanerani atornerqalartussatut naatsorsuutigineqartut nukissamik atuinernannik uuttortaait atorlugit nutaamik periuseq malillugu akuerineqarnissaat Naalakkersuisunit utaqqimaarneqarpoq.

Naalakkersuisut avatangiisinut periusissiaat KS-imit taparserneqarpoq, ilaatigut tamatumani ilaqutariinnut arlariinnut inissianik nutaanik sanaartornermut aammalu inissiaqarfinni ataasiakkaani biiliniq innaallagissamik immiisarfinnik pilersitsinermut atatillugu piumasaqaateqarluni.

Qamutit motorillit innaallagissamik brintimilluunniit taamaallaat ingerlateqartut kiisalu plug-in hybridbiilit, biilit nutaat taakku nunarput tamakkerlugu siaruarluarsimalernissaasa tungaanut, nunattalu CO2-mik aniatsitsineranik annertuumik annikillisisinissaasa tungaanut akitsuusigaanngikkallarnerisa sivitsorneqarneratigut Naalakkersuisut nungusaataa nngitsumik avatangiisinullu iluaqutaasumik ineriartornermik tapersiinnerninnik ingerlatsiinnarnissaat KS-ip kaammattuutigaa.

Inatsisissatut siunnersuutip Naalakkersullu klima pillugu pingaarnertut periusaannut ataqatigiittunngorlugu inatsisissatut siunnersuutit allangortinneqartariaqartut KS isumaqarpoq.

qamutit motorillit innaallagissamik brinitimillu ingerlateqartut kiisalu plug-in hybridbiilit akileraaruteqartinneqanngikkallarnerannut BB-imut oqaaseqaatit innersuussutigineqarput.

Tamanna tunuliaqutaralugu inatsisissatut siunnersuutip Naalakkersuisullu klima pillugu pingaarnertut periusissiaannut ataqatigiinngissuteqartoqanngitsoq Naalakkersuisut isumaqarput.

Innuttaasumit tusarniaanermut akissut, Thomas Riis (TR)

Biilit innaallagissamik ingerlatiilit tuniakkat oqinnerpaat tassaasut VW e-up 1.229 kiilusoq kiisalu Mitsubishi i-miev 1.080 kiilusoq TR-ip oqaatigaa, taamaammallu ullumikkut qamutitut motorilinnut akitsuutini biilnik 1.000 kiilu ataallugit oqimaassusilinnik peqarunangitsoq.

TR-ip tamanna tunngavigalugu ullumikkut innaallagiatortumik toqqaanissamut marluk iluaqutaanerat oqaatigaa. 1) avatangiisit nunattalu aningaasaqarnera, aamma 2) qamutitut motorilinnut akitsuummumt ilaatinneqannginneq. Siunnersuut akuersissutigineqassappat tunngavik nr. 2 piissaaq TR-illu isumaa naapertorlugu Kalaallit Nunaannut biilnik innaallagiatortunik eqqussuisoqaqqinnaviangilaq.

Naggasiullugu inatsisissatut siunnersuutip illoqarfinni avatangiisinik pitsaannginnerusunik, nunatta aningaasaqarneranik pitsaannginnerusumik kiisalu innuttaasunut nunarsuullu sinneranut Kalaallit Nunaata avatangiisinut qajassuartumik politikimik ingerlatsiumangissusaanik nalunaaruteqarneratut nalunaarnertut innissaa TR-ip oqaatigaa, tamannalu naalakkersuisooqatigiinnermi isumaqatigiissummut naapertuutissannginnerarpaa.

Biilit innaallagiatortut brinitimillu ingerlateqartut eqqussorneqarnerannut akitsuut allangortinneqassanngitsoq Naalakkersuisut malugaat. Taakku suli eqqussuinnermut akitsuummumt ilaassanngillat. Taamaammallu biilit innaallagiatortut pisiarineranni aningaasartuutit siunnersuummit sunnerneqassanngillat.

Qamutitut motorilinnut akitsuummumt tunngatillugu biilit innaallagiatortut appassisumik akitsuusigaalissapput.

Sulisitsisut (GE)

Ukiuni kingullerni marlunni-pingasuni qamutitut motorilinnut akitsuusersueriaatsip qanoq toqqammavilerneqarsinnaaneranut angusaqarfiusumik ataatsimiititaliami sulisoqarsimanagera GE-p oqaatigaa, taamaalilluni biilit innaallagiatortut hybridbiilillu nunatsinni niuerutaalersinnaaqullugit.

Ataatsimiititaliami sulineq ”oqimaaqatigiissumik inerneqassasoq” GE-p oqaatigaa, taamaalilluni ungasinnerusoq isigalugu nunatta karsianut annaasaqaataassanani.

Biilit innaallagissamik ingerlateqartut hybridbiilillu maanna ima amerlatigilersimasut, allaat hybridbiilit eqqussuinermi qamutinullu motoorilinnut akitsuummik kiisalu innaallagiatortut qamutinut motoorilinnut akitsuuserneqarsinnaalertariaqarnerat tusagassiuutini eqqunngitsumik saqqummiunneqartoq GE-p oqaatigaa. Tassunga tunngatillugu 2014-p kingorna plug-in hybridbiilit 400-t missaat kiisalu biilit innaallagissamik ingerlatillit 40-t missaat tunineqartut GE-p tapiliullugu oqaatigaa. Tamanna tunngavigalugu siunnersuutigineqartut akitsuusiinissamut eqqussukkat suli amerlassuseqalinngitsut GE isumaqarpoq.

BB-p tusarniaanermut akissutaanut akissummi nassuiarneqartut plug-in hybridbiilinit akitsuutit nalinginnaasunnngortinneqarnissaat siunertaavoq. GE-p akissutaani takuneqarsinnaasutut ukiuni kingullerni plug-in hybridbiilit amerlassusaat annertuumik qaffiarpoq (biilit 400-t)

Oqaatigineqareersutut plug-in hybrid biilit qanoq klimamut avatangüisinullu qajassuartiginerat apeqquserneqarsinnaavoq ,tamatumanimi atuisup pissusilersornera, ingerlaarnermi motorip orsussamik ingerlateqartup qanoq annertutigisumik atorneqartarnera mootorillu qanoq sakkortutiginera apequtaavoq. Ilanngullugulu biilit taakku oqimaatsuunerat oqaatigineqassaaq. Siunnersuummittaaq biilit innaallagissamik brintimillu ingerlateqartut pitsaasumik iliuuseqarfigineqarnerisa nanginnissaat siunertaavoq.

Tusarniaanermi allakkami ”hybridbiilit pigissaarnerusunit atorneqartarnerat”-nik allassimaneq soqutaannginnerarpaa, biilillu innaallagiatortut hybridbiilillu tunineqartarnerisa pilerinarnerulersinnissaannik aalajangernerup kingorna biilit sorliit innaallagiatortuunerat sorliillu hybridiunerat ilisimaneqareersoq, taamaamallu aamma taakku akii ilisimaneqareersut innersuussutigaat.

Biilit innaallagiatortut hybridillu nunarsuaq tamakkerlugu nioqputigineqarnerat aatsaat aallartisaleruttortoq GE-p oqaatigaa, tamannalu ilaatigut biilit akiinut sunniivoq. Biilit innaallagiatortut hybridillu tunineqarnerat pilerinarnerulersikkaanni, tamanna GE-p isumaa naapertorlugu biililiortut amerlanerit taakkuninnga tunisassiulernerata ingiaqatigalugu taakku akii appariartulissapput.

GE-p isumaa naapertorlugu biilinit innaallagiatortunut hybridbiilinnut eqqussuinermit akitsuut misissuilluarnermik tunngavilersorluakkamillu toqqammaveqartariaqarpoq, GE-llu isummaa naapertorlugu siunnersuutigineqartoq taamaanngilaq.

Naalakkersuisut ukiuni aggersuni ataatsimiititaliat maanna sulisut suliaat aallaavigalugit qamutitut motoorilinnut akitsuutinik aaqquissuusseqqinnissartik naatsorsuutigaa.

Maannakkuugallartoq biilit akuerineqarnerminnut atatillugu biilit orsussamik atuinerannik uuttukkamik akuereriaaseq Worldwide harmonized Light vehicle Test Procedure (WLTP) taaneqartoq, kingusinnerpaamik 2020-p naanerani atulersussatut naatsorsuutigineqartoq utaqqineqarallarpoq.

Pissutsit marluk matumani pineqartut Naalakkersuisut naliliipput. Siullertut biilit innaallagiatortut brintimillu ingerlateqartut kiisalu plug-in hybridit akitsuutaannik kigaatsumik nalinginnaasunngortitsineq nunatta karsiata isertitassanik annaasaqarsinnaaneramik aarlerinartorsioortitsivoq, akerlianillu sukkasuumik nalinginnaasunngortitsineq Kalaallit Nunatsinni biilit innaallagiatortut siaruariartornerannut innarliissaaq.

Taamaammat Naalakkersuisut ineriartornermik qanimut malinnaalersaarput, siunnersuutillu toqqammavigisai annertuumik allannguuteqariataassappata akitsuutinik allannguinnissaq eqqarsaatersuutigineqalersaarpoq.

Kalaallit Nunaanni biilit tunisat amerlassusaat biililiortut pissusilersornerannik allannguisinnaangitsoq Naalakkersuisut isumaqarput.

Kalaallit Nunaanni attaveqaatit kiisalu plug-in hybridinik piginnittut amerlasuut annertunertigut biilip motoorianik orsussamik ingerlateqartuik atuisarnerat pillugu tusagassiuutinilu oqallinneq innersuussutigalugit GE-p paasissutissanik brancheudvalget for Service og Teknikimi pissarsiaasa akerlianik plug-in hybridbiilinnik piginnittut amerlanertigut motoori innaallagissamik ingerlateqartoq atortaraat paasinarsisippaa, taannalu illoqarfimmi arlalinnik immiiveqarpoq, soorlu pisiniarnermi immerneqarsinnaasarluni.

Tassunga atatillugu GE-p akitsuusiinani immiinissamut periarfissanik ineriartortitsinissaq kaammattuutigaa.

Avatangiisinut tunngasut kiisalu plug-in hybridbiilit eqqussuinermit akitsuuserneqarnissaannik siunnersuutip pitsaasuunera pillugu BB-mut oqaatigisat innersuussutigineqarput.

Naalakkersuisulli illoqarfinni immiiffinnik ineriartortitsineq sulissutigilersaarpaat.

GE naggasiullugu Naalakkersuisunut arlalinnik siunnersuuteqarpoq.

Plug-in hybridbiilit eqqusuinermi 10 procentimik akitsuuserneqassasut siunnersuutigineqarpoq, taannalu plug-in hybridbiilit qamutitut motorilinnut akitsuutip angunissaata tungaanut kingorna ukiumut 5 procentimik qaffanneqartassaaq. Ilanngullugu biilit innaallagiatortut plug-in hybridbiillu ukiumut qamutit motorillit akitsuutaannik 5.000 kr-imik ukiumut procentimik aalajangersimasumik ilaneqartartumik akitsuuserneqarnissaat siunnersuutigineqarpoq. Naggasiullugulu plug-in hybridbiilit biillu innaallagiatortut isaterneqarnerinut ukiumut 1.000 kr-inik akitsuuserneqarnissaat kiisalu ataatsimiititaliap siunnersuutigisimasaatut qamutit motorillit nukissiamik atuinerat aallaavigalugu nalimmassarneqartassasoq GE-p siunnersuutigaa.

Siunnersuut naatsorsuutigineqartutut nunatta karsianut iluanaarutaassanngitsoq, taamattaarlu taanna eqqunngitsumik paatsuuinermillu tunngaveqarsorinartoq GE-p oqaatigaa.

Taamaammat siunnersuut itigartinneqassasoq akitsuutillu taakku qajassuarnerusumik eqqunneqarnissaat misissorneqassasoq GE-p siunnersuutigaa.

Siunnersuutip tunuartinneqarnissaa siunnersuutilluunniit iluanaarutissaanut apeqquusiinissamut Naalakkersuisut pissutissaqarsorinngilat.

Innuttaasumit tusarniaanermi akissut, Jesper Hansen (JH)

Biilnik innaallagiatortunik atuneq avatangiisinut inuiaqatigiillu aningaasaqarnerannut erseqqissunik arlalinnik iluaqtissartaqartoq JH-p oqaatigaa.

Biilit innaallagissamik ingerlateqartut killilimmik qamutitut motorilinnut akitsuuserinissaata naapertuuttuunera JH-p nassuerutigaa, biilimmi taakku aamma aqqusinermut nungullarsaasuupput. JH-lli isumaa naapertorlugu akitsuutissatut siunnersuutigineqartut Kalaallit Nunaannut biilnik innaallagiatortunik eqqusuineq unitsivissavaat.

Ulloq manna tikillugu qamutitut motorilinnut akitsuummik sipaaruteqartarnek, biilit innaallagissamik ingerlateqartunut aningaasartuutaat biilnut nalinginnaasunut sanilliullugu pitsaanerunera pingaarnertut patsisaavoq. Akitsuutissatut siunnersuutigineqartukkut ukiumoortumik aningaasartuutit 15.000 kr-it missaannik qaffanneqassapput.

Naallu biilit innaallagiaannarmik ingerlatillit ukiumut suliarineqartarnerannut sipaarfiusaraluartut, biilimmi innaallagiatortut annertunerusumik iluarsartuunneqartariaqanngimmata, taamaattoq oqimaatigineq innarlerneqassaaq, biillu innaallagissamut ingerlatillit biilnut nalinginnaasunut sanilliullutik siunissami akisunerulissapput.

Kia avatangiisinut qajassuarnerunissaq kisiat pillugu ingerlatsinermi akisunerusumik akiliisarumaarnera JH-p qularutigaa.

Biilnut innaallagissamik brintimillu ingerlateqartunut qamutinuut motoorilinnut akitsuummik eqqussisoqarnerata kingorna biilnik avatangiisinut qajassuartunik pisinissaq suli pilerinartuussasoq Naalakkersuisut naliliipput.

Naalakkersuisulli ineriartorneq qanimut malinnaaffigiumavaat, siunnersuummullu tunngavigineqartut annertuumik allannguuteqassappata, akitsuusiinerit allanngortinneqarsinnaanerat eqqarsaatersuutigiumallugu.

Innuttaasut ulloq manna tikillugu Naalakkersuisut aamma siunissami angallannermut avatangiisinut qajassuartumik politikeqarnissaat tatigalugu biilisisut, naak akitsuusiinnginneq qaqugorsuarmut atuuttussatut naatsorsuutigineqarsinnaanngikkaluortoq 'salloqittagaasutut' misiginissaat JH-p ilanngullugu oqaatigaa.

Naalakkersuisut avatangiisinik qajassuarnermik annertusaarusukkunik suli aningaasaqarnikkut arlaatigut pilerinarsaasariaqarnerannik JH erseqqissaavoq. Taamattoqanngippat JH-p isumaa naapertorlugu innuttaasut biilnik innaallagiatortunik toqqaasarunnaassapput.

Siunnersuummut nassuiaatit innersuussutigalugit biilnik innaallagiatortunik siunnersuutip nassatarisaanik toqqaasarunnaarneq biilnik nalinginnaasunik toqqaasalernermik nassataqassasoq, taamaalillunilu mingutsitsineq annertusissasoq JH-p ilanngullugu tikkuarpaa. Taamaalillunilu JH-p isumaa naapertorlugu tamanna pinngortitamut, avatangiisinut inuiaallu peqqissusaannut annertuumik kinguneqaateqassaaq.

Innuttaasut biilisinerminni benziinatortunik dieselitortunillu toqqaasarnissaannut pilerisunnerulersitsinissaa siunnersuutip siunertarinngilaa, akerlianik biilit CO2-mik aniatitsinikinnerit pisarineqarnissaat siunertaavoq.

Naggasiullugu JH-p siunnersuut nunarsuup sinnerani biilit innaallagiatortut amerliartornerat isumaminik aamma nunatsinni sunniunniisaanik siunnersuutip toqqammaveqarnera oqaatigaa.

Taama toqqammaveqarneq biilnik innaallagiatortunik ingerlatsinermi aningaasartuutaasa sipaarutissaarunneratigut piviusorsiuungitsoq JH isumaqarpoq.

Ajornartorsiummik ersarissaassutaasumik titartakkamik JH ilanngussivoq.

Biilit innaallagissamik ingerlateqartut tuniarneqartarnerat annertuumik nalornissuteqarfivuoq. Taamaammatt titartakkami naatsorsuutit missingiunermik qularnartortalimmik toqqammaveqartut Naalakkersuisut isumaqarput. Ilaatigut titartakkami ilanngunneqartumi biilnut innaallagiatortunut benziinatortunullu ingerlatinut aningaasartuutit assigiissillugit naatsorsorneqarput.

Tamanna Naalakkersuisut isumaqatiginngilaat, biilinullu innaallagiatortunut ingerlanermi aningaasartuutiviit appasinnerusut isumaqarlutik. Taamattaaq biilnut innaallagiatortunut qamutunut motoorilinnut akitsuummumut Bil1500-mut akiliisoqartarpoq, taamaalilluni naatsorsuutini takutinneqartutullu Bil1800-nut akiliisoqartarnani.

Taamaalilluni aamma qamutunut motoorilinnut biilit innaallagissamik brintimillu ingerlateqartut akiliisinneqartalernerisa kingorna suli biilnik avatangiisinut qajassuartunik pisinissaq pilerinartuussasoq Naalakkersuisut isumaqarput.

Suli atuisut avatangiisinut qajassuartunik biilnik toqqaasassappata, Naalakkersuisut biilnik innaallagiatortunut qamutunut motoorilinnut akitsuusiisanninnerminnik, imaluunniit akitsuutip taassuma annerpaamik 50 procentinik akitsuusissasut JH-p kaammattuutigaa.

Biilit innaallagissamik brintimillu ingerlateqartut qamutunut motoorilinnut akitsuuserneqarnerisa kingorna suli biilnik avatangiisinut qajassuartunik pisinissaq pilerinartuussasoq Naalakkersuisut isumaqarput.

Naalakkersuisulli ineriartorneq qanimut malinnaaffigiumavaat, siunnersuummullu tunngavigineqartut annertuumik allannguuteqassappata, akitsuusiinerit allanngortinneqarsinnaanerat eqqarsaatersuutigiumallugu.

Innuttaasumit tusarniaanermi akissut, Jane Sørensen (JS)

JS biilnik batteriiniq ingerlateqartunut siunnersuummumut isumaqataaanginnini oqaatigaa. Tassani biilit innaallagissamik ingerlateqartut qamutunut motoorilinnut akitsuuserneqarnissaat pillugu siunnersuut pineqarsorinarpoq.

Biilit mingutsitsisuunerat, taamatullu biilit benziinamik dieselimillu ingerlateqartut eqqussorneqarnerat annikillisinneqartariaqartoq, innaallagissamik atuineq/pisineq aningaasanik kaaviiartitsisoq JS-ip oqaatigaa, taamatullu biilini akitsuusiineq JS-ip isumaa naapertorlugu nunatsinni mingutsitsinermik appaassanngitsoq, biilini mingutsitsinerusunik eqqussuineq qaffassamat. Taamaalluni siunnersuut nunatsinni mingutsitsinermik annikillisaanissamat akerliusoq JS isumaqarpoq.

Pinngortitamut Avatangiisinullu Naalakkersuisoqarfiup biilit innaallagissamik brintimillu ingerlateqartut qamutinuut motoorilinnut akitsuuserneqarnissat pillugu oqaaseqaataa innersuussutigineqarpoq.

AutoNord ApS (AN)

Suliffeqarfiup nioqquteqartutut pisisartut avatangiisinik mianerinninnermik aallussisut biilini innaallagiatortunik piumasarnerat oqaatigaa, akerlianillu plug-in hybridbiilini perusuttartut akitsuuteqannginnerannik toqqammaveqarnerusarnerat AN-ip oqaatigaa.

Kalaallit Nunaanni biiliserusussuseq ataatsimut isigalugu aningaasaqarnerup inissisimananik malinnittartoq, taamaallunilu toqqaannartumik akitsuusersuinnermut attuumassuteqanngitsoq, AN naatsorsoqqissaakkat kingullit innersuussutigalugit nalilivoq. AN-illi biilit innaallagiatortut/plug-iniit agguarneqarnerat akitsuutit qanoq inneranik aquneqartoq oqaatigaa, biilimmi innaallagiatortut biilinuut nalinginnaasunut sanilliullutik akii pisisartumut assigiimmata. Taamaammatt eqqussuinnermi akitsuutini allanngortitsineq piumanermut tamarniusumut sunniuteqassanngitsoq AN nalilivoq, taamaallaalli biilit benziinamik/dieselimik/Innaallagissamik ingerlatillit piumaneqarnerat annertusissasoq, plug-in hybridillu piumaneqarnerat annikillissasoq. Biilit innaallagissamik ingerlatillit pisiassat amerlanngitsuummata, pisisartut plug-in hybridini benziinatortunut nuunnissaat AN-ip naliliutigaa. Taamaammallu isertitaqarnerunissamik naatsorsuuteqarneq piviusorsiorpoq AN nalilivoq.

Siunnersuutip siunertaa assigalugu akitsuutip allanngornerata nassatarisaanik biilini angisuunik pisisarunnaartoqarluni minnerusunik pisisoqartalissappat iluarinartuusoq Naalakkersuisut isumaqarput, tassunga ilanngullugit plug-in hybridbiilini 'biiliaqqanut' nuunnerit.

Siunnersuut unammillernerulernermik nassataqassasoq AN nalilivoq, tamannalu naggataagut namminersorlutik inuussutissarsiortunut iluaqutsiissaaq. Plug-in hybrid 4x4 ataasiinnaap pisiassanera AN-ip innersuussutigaa, tamannalu inuunnaat namminersortullu niuernermi periutisunik iluaquteqannginnerannik nassataqarpoq. Allanngiineq unammillernermik annertusisitsiissaaq, tamannalu inuussutissarsiortunut inuinnarnullu akit appasinnerulernerisigut sullissinerullu

pitsaanerulerneratigut iluaqtsiissaaq. Taamattaaq akitsuummik allanngui nikkut aki pissutigalugu biilini anginernik pisisoqarnani minnernik pisisoqartalissasoq AN naliiivoq.

Akitsuummik allanngui neq pillugu siunnersuummi siunertat naapertorlugit biilinit annerusunit biilinit minnerusunit pisiuanagerulernermit akitsuummik allanngui nerup pinissaa Naalakkersuisut pitsaasuutippaat.

Akitsuit SUV-nik assakaasunik sisamanik nutsuisulinni biilini minnerusuni unammillernerunermik nassataqassasoq AN qamutit motorillit akitsuutaannik allanngui nermit siunnersuit pillugu oqarpoq, tamannalu akit appasinnerulernerisigut inuussutissarsiortunut atuisunullu akitsuutit assigiinnginnerannik aqunneqarnatik biilit naleqqussusaat naapertorlugu toqqaasinnaalernerannik nassataqassasoq oqaatigaat.

Auto Nord ApS-ip siunnersuummik tapersersuina Naalakkersuisut iluarisimaarpaat.

Innuttaasumit tusarniaanermi akissut, Christian Wennecke (CW)

Biilit innaallagiatortut inuiaqatigiit aningaasaqarnerannut iluaqtaasut, atuisulli taamaallaat nammineq aningaasaqarnertik aallaavigalugu toqqaasartut CW allappoq. CW-p iluaqtissat arlallit allattorpai. Ilaatigut biilit benziinamik eqqussukkamik ingerlateqarnatik, erngup nukinganik innaallagissiorfiit pilersitaannik ingerlateqarnerat, biilit mingutsitsinnginnerunerat, biilit nipiliunnginnerunerat biilillu CO2-mik aniatitsinnginnerunerat.

CW-lli isumaa naapertorlugu akitsuusersueriaaseq inuiaqatigiinnut pitsaanerpaamik toqqaanissaq siunertaralugu inuunnaat aningaasaqarnerannut iluaqtsiisoqartariaqarpoq. CW-p isumaa naapertorlugu siunnersuit una pilersitsinernik taamaattunik paaassaaq, akerlianillu atuisartut biilini innaallagiatortunik pisisimasunik pillaassalluni, ilaatigut taakku qamutitut motorilinnut akitsuummik akiliisalernerisigut, ilaatigullu biilit isaternerarnerannut atatillugu akitsuummik immikkut eqqussinikkut.

CW-p tassunga ilanngullugu nammineq biilimik innaallagiatortumik pisinerminut atatillugu benziinatortumik innaallagiatortumilluunniit mikisumik pisinissamik eqqarsaatersuutigisimallugu oqaatigaa. Ilaatigut eqqussuinnermi akitsuut taakkununga marlunnut assigiikannerpoq, biilip benziinatortup ukiut qulit qaangiunneranni nalimi 50 procentia naligalugu, biilillu innaallagiatortup nalissariumaagaa ilisimaneqarnani, taamaammatt CW taanna nul-mik nalilerpaa, taamaalilluni biili innaallagiatortoq benziinatortumut sanilliullugu pisaralugu 80.000 kr-inik akisuneruvoq, tamannalu qamutitut motorilinnut akitsuummik akiliinnginnikkut nalimassarneqassangatillugu.

Oqimaassuseq naapertorlugu qamutunut motorilinnut akitsuummik akiliisalernikkut biili innaallagiatortoq benziinatortumit akisunerulissasoq CW isumaqarpoq.

Naalakkersuisut Kalaallit Nunaanni biilit innaallagiatortut kissaatigineqannginnerannik erseqqissumik oqariartortut CW isumaqarpoq.

Biilit innaallagissamik brintimillu ingerlateqartut qamutunut motorilinnut akitsuuserneqarnerata atuutilernerata kingorna suli avatangiisinik qajassuartumik biilitaarnissaq kajuminnassasoq Naalakkersuisut naliliipput.

Biilit innaallagiatortut ilaatigut biilit nalinginnaasut kiammik pilersitsisarneruneri, ussiittarneri manngertornertarnerilu nungujartornerusarnerat pissutsigalugit sivisunerusumik atorsinnaasut naliliutaavoq. Tamatuma saniatigut biilit innaallagiatortut aserfallatsaalineri akikinnerusut naliliutaavoq.

Biilinik innaallagiatortunik piginnittut biilit aqqusinernut nungullartitsisarnerinut akiliisarnissaat, isaterinermilu akitsuummik akiliisarnissat pissusissamisoortoq CW allappoq. Akerlianik erngup nukinganik ingerlateqarnermi avatangiisinillu mingutsitsinnginnermi ajunngitsorsiassaqaqtariaqartoq isumaqarpoq.

CW-p siunissami akitsuusersueriaatsip oqimaassuseq aallaaviginagu mingutsitsinermik siunissami aallaaveqartunngorlugu nalimmassarneqarnissaa naatsorsuutigineqartoq siunnersuummi atuarneqarsinnaasoq innersuussutigaa. Tassunga atatillugu aqqissuussinerup nutaassap atuutilernissaata tungaanut akitsuuteqartitsinnginnerup nanginnissaata naapertuunera CW-p oqaatigaa.

Biilit innaallagissamik brintimillu ingerlateqartut qamutunut motorilinnut akitsuuserneqartalernissaat biilit Kalaallit Nunaanni siaruarsimassusaat naapertorlugu nalinginnaasunngortikkartorneqarnerannut atavoq.

Naalakkersuisut akitsuuteqartitsinnginerup maanna atuuttup sivitsornissaa tunngavissaqarsorinngilaat.

Nukissiorfiit

Akitsuutunik allannguinnissamik siunnersuutit Nukissiorfiit siunissami biilinit innaallaagiatortunut hybridbiilinullu innaallagissamik tunisaannik pitsaanngitsumik kinguneqassasut Nukissiorfiit allapput. Nukissiorfiittaaq siunnersuutit uuliamut eqqussukkamut taarsiullugu nukissiamik

nungutsuitsumik atuinnissamik nukissiornermi anguniakkanut naapertuutinnigitsut allapput, Naalakkersuisullu nukissiornermut imermillu pilersuinermit immikkoortumi pilersaarusiaannut november 2017-meersumut innersuussillutik.

Biilit innaallagissamik brintimillu ingerlateqartut qamutinuut motoorilinnut akitsuuserneqartalernissaat biilit Kalaallit Nunaanni siaruarsimassusaat naapertorlugu nalinginnaasunngortikkartorneqarnerannut atavoq.

Biilit innaallagissamik brintimillu ingerlateqartut qamutinuut motoorilinnut akitsuuserneqarnerata atuutilernerata kingorna suli avatangiisinik qajassuartumik biilitaarnissaq kajuminnassasoq Naalakkersuisut naliliipput.

Tamanna tunuliaqutaralugu inatsisissatut siunnersuut Naalakkersuisullu nukissiornermit imermillu pilersuinermit immikkoortumi pilersaarusiaat imminut akerleriinnigitsut Naalakkersuisut isumaqarput.

Tamatuma saniatigut plug-in hybridbiilit eqqussuinermit akitsuuserneqarnissaannik siunnersuummut atatillugu BB-mut akissut innersuussutigineqarpoq.

Siunnersuummi biilinuut innaallagiatortunut attaveqaatit pillugit nassuiaatit innersuussutigalugit Nukissiorfiit Namminersorlutik Oqartussat suleqatigalugit Nuummi inissianik quleriaaani sanaartornermi biilinuut innaallagiatortunut immiissutinik misileraalluni ivertissuineq Nukissiorfiit oqaatigaat. Nalunaarusiaq 2013-meersoq suliniutip 2016-imi aallartinneranut tunuliaqutaavoq, tassani biilit innaallagiatortut orsersorneranni attaveqaateqannginneq Nuummi, ingammillu innutaasunut amerlasuunut inissiani quleriaani najugaqartunut innaallagiatortunik biilitaarsinnaanermut annertuumik aporfusoq allaaserineqarpoq. Inissani quleriaani pingasuni immiivinnik kiisalu illoqarfiup qiterpasissuani immiigasuartarfinnik pilersitsineq suliniuummut ilaapput.

Naalakkersuisut suliniuummut nalilersuileruttoq. Tamakku annikinnerusumik ingerlanneqarnerat Nukissiorfinnut imminut akilersinnaanngitsaq, siammasinneruneratigulli isertitat aningaasartuutinuut naapertuutissagunartut nalilersuigallernerit takutippaat.

Naalakkersuisut illoqarfinni immiivinnik attaveqaasersuinerup ineriartortinnissaa sulissutigilersaarpaat.

Aatsitassanut, Suliffeqarnermut Nunamullu namminermt Naalakkersuisoqarfik

Biilit savaatilinnit, uumasuutilinnit tuttuuteqartunillu taamatullu ingerlatsisunit atorneqartut akitsuuserneqartannginnerat naalakkersuisoqarfiup paasinninnera naapertorlugu, biilit taakku ilaatigut aqqusinernut tamanut atugassianut atorneqartannginnerannik, ilaatigullu inunnt akornusiinissamut allallu pigisaanik akornusiinissamut aarlerinaatip killeqarneranik patsiseqarsoralugu Naalakkersuisoqarfik allappoq.

Aatsitassanut inatsit naapertorlugu ujarlernissamik qalluinissamillu akuersissummik pigisaqartut suliniutininni biilnik atuineranni tamanna aamma atuuttoq naalakkersuisoqarfik allappoq. Biilit aqqusinerni tamani atugassiani atorneqarneq ajorput, akuersissuteqarfiullu iluani aqqusineqartillugu taakku akuersissutaatilimmit sananeqarlutillu aserfallatsaalineqartarput, soorlutaaq biilnik eqqaanerit aqqusinernullu atorunnaarsitsinerit kiisalu nunap ilusaanik pilersitseqqinnerit akuersissutaatillip pisussaaffigigaa.

Akitsuutinut akiliisannginnissaq aatsitassarsiornermik suliniutinut atatillugu aningaasartuutininik oqilisaassasoq, tamannalu Kalaallit Nunaannik aatsitassarsioritseqatigiiffinni pilerinarnersitsissasoq Naalakkersuisoqarfik allappoq, tamannalu Naalakkersuisooqatigiinnermut naapertuuttutut isigineqarpoq. Tassunga atatillugu naalakkersuisooqatigiinnermi isumaqatigiisummi immikkoortoq 68, aatsitassanut tunngasoq Naalakkersuisoqarfiup innersuussutigaa.

Allannguutissatut siunnersuutigisap biilit akitsuusigaanngitsut amerlanerulersinnissaanik siunertaqanngitsoq Naalakkersuisut maluginiarpaat, taamaallaalli biilit savaateqarnermi, uumasuuteqarnermi tuttuuteqarnermi taamatullu inuussutissarsiornermi atorneqartut taamatut sulinermi aamma uumasuuteqarfiup ilaata illoqarfiup nunaqarfiulluunniit killeqarfiata iluaniikkaluarpalluunniit atorneqarsinnaasut. Biilit taamaattut aqqusinerni tamanut atorneqarsinnaasuni atorneqartanngillat.

Biilit akitsuutinut ilaatinneqanngitsut ingerlaffigisinnaasaat piffik killililluunniit pineqaraluarpat aamma aqqusinerni tamanut atorneqarsinnaasunut annertusinissaanut Naalakkersuisut pissutissaqarsorinngillat.

Eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuummut Naalakkersuisoqarfik oqaatigisassaqaanngilaq.

Kommune Kujalleq (KK)

Siunnersuutip aappaanut 2017-imi tusarniaanerup kingorna ilanngunneqartumut allannguutit KK-p isumaqatigai.

Kommune Kujallip siunnersuummut isumaqataanera Naalakkersuisut iluarisimaarpat.